



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De sapiente sine operibus. tit. 272

urn:nbn:de:hbz:466:1-29452

ret, non perstitisset haecenus. Agnoscamus leonem sequentem publice, & draconem occultè insidiantem: at Christus pendens in cruce, serpens ille nos liberat, Ioan, 3.

DE SAPIENTE SINE
operibus.

TITVLVS CCLXXII.



PIRITVSSANCTVS qui reuelavit patribus aduentum Antichristi in nouissimis diebus, hic quoque reuelavit mores & conditiones hominum, quæ illis contingent temporibus, id est, sub præcursoribus hæreticis & mixtis Antichristis, & primū erit, quod sapientia erit sine operibus, multi multa prædicabunt, de Euangelio, fide, charitate, iustificatione, &c. nemo tamen faciet secundum Euangelium, aut ita viuet, sicut decet, maxime prædicatores. Nam Christus incepit facere & docere, Actorum. 1. At Antichristus multa docebit, replebit mundum prædicatoribus, sed nemo faciet. Verbis confitebuntur Christum sed factis negabunt, Tit. 1. Sic erunt concionatores efflati, voluptatum amatores, habentes speciem pietatis, virtutē autē eius abnegantes 2. Tim. 3.

Secundò, auditores tunc dicta facere contemnent, eo quod videbunt opera prædicatorum & vitam à verbis discrepare. Nam nunquam erit efficax auctoritas prædicantis, nisi eam effectu operis, cordi infixit audientis, Medicus, qui sibi non consulit statim eius medicina parui penditur, Ideò inquit Christus Matthæi 5. si sal euauerit, in quo salietur, id est, si doctor aut concionator errauerit, à quo populus emendabitur? Si oculus à videndi officio deficiuerit, quis à manu vel pede, aut reliquo corpore lumen exiget? si pastor errat, oues vbi manebunt: Disciplina igitur ac mores populi ostendunt, qualis sit eorum pastor & doctor, &c. Tertio,

Tertiò, cogitent ergo Doctores, nè ampliori vindi-
 ctæ se submittant, si plurimis perditionis occasione
 præstiterint. Nam & ipse Salomon, dum esset mul-
 ta sapientiæ & tamen transgressionem incurreret. 3.
 Reg. 11. totius Israelitici regni dispersionem solo suo
 peccato præstitit. Nam quibus committuntur mul-
 ta, maiora perdunt, si non recte dispensauerint recto-
 ris sui munera, quæ perceperunt. Cui enim plus com-
 mittitur, plus ab eo exigitur, & seruus, qui volunta-
 tem Domini intelligit, & nõ facit, arctioribus flagel-
 lis subiacebit, Luc. 12. & sanguis damnatarum ouium
 ab eo exigitur, Ezech. 3.

Quartò, illud autem sequitur, vbi sine opere so-
 nant verba concionatoris, talis doctrina quoque e-
 rit sine charitate, & sic erit sapientia sine charitate do-
 ctinæ, quam rejicit Apostolus, 1. Corin. 13 si habuero
 omnem scientiam, non autem charitatem: scientia
 enim inflat, charitas autem ædificat. Idè inquit Ger-
 son: ego libera voce profiteor, doctrinas illas ceteris
 omnibus preferendas esse, quæ de propiori ædificant
 charitatem. Qui ergò sic docet vt inuidiam excitet, &
 non vt charitatem plantet, sicut est omnis hæretico-
 rum doctrina, ille grauissimè peccat, & se & auditores
 ad damnationem ducit. Idè 1. Cor. 8. dicit Apostolus:
 si quis existimat se aliqd scire, s. sine charitate, non-
 dum cognouit, quemadmodum eum oporteat scire:
 vbi distinguit inter scientiam cum charitate, & eam
 quæ est sine charitate, vna ædificat, altera destruit: v-
 na gaudet impugnare, altera cõcordare, Idè inquit
 Apostolus Tit. 2. Tu loquere quæ sanam decent do-
 ctinam & cæt. Docet iam dies, qua forma doctrina
 Euangelica ad discordiam seminatur & cæt.

DE SERMONE IN-
 fructuoso.

TITVLVS CCLXXIII.

Apostolus